



Մ Ա Յ Ր Ա Թ Ո Ռ Ո Ւ Մ

Մարտի 5-ին, կիրակի.—Դ կիրակի Քառասնորդական պահոց (Տնտեսին).

Մայր տաճարում ս. պատարագ է մատուցում տ. Հովհաննես քին. Մարտիանը, իսկ «Հայր մեր»-ից առաջ քարոզում է տ. Վարդան արեղա Դիլանյանը՝ «Տուր զհամար մնտեսութեան Քոյ» (Ղուկ. ԺԶ 2) քնարանով:

Ս. պատարագին ներկա էր Վեհափառ Հայրապետը:

..

Մարտի 9-ին, հինգշաբթի.—Վեհափառ Հայրապետի քարեհան կարգադրությամբ տ. Վահան եպս. Տերյանը այսօր գործուղվեց Հնդկաստան՝ տանելու Նորին Սրբության օրհնություններն ու ողջույնները հնդկահայ եկեղեցական համայնքներին և զբաղվելու տեղի հայ գաղութի պատմության մի շարք հարցերի ուսումնասիրությամբ:

..

Մարտի 12-ին, կիրակի.—Ե կիրակի Քառասնորդական պահոց (Դատաորին).

Մայր տաճարում ս. պատարագ է մատուցում տ. Հակոբ քին. Հակոբյանը, իսկ քարոզում է տ. Հովսեփ արեղա Հակոբյանը՝ «Բախեցէք և բացցի ձեզ, խնդրեցէք և տացի ձեզ» (Ղուկ. ԺԱ 9) քնարանով:

Ս. պատարագին ներկա էր Վեհափառ Հայրապետը:

..

Նույն օրը, Վեհափառ Հայրապետի հրավերով, ուխտավորաբար Բուենոս-Այրեսից, Բելյոսի վրայով, Մայր Աթոռ է ժամանում Հարավային Ամերիկայի հայրապետական պատվիրակ և Արգենտինայի հայոց առաջնորդ տ. Բարգեն արքեպ. Ապատյանը:

Օրանավակայանում սրբազանին դիմավորում են Մայր տաճարի լուսարարապետ տ. Հուսիկ եպս. Սանթուրյանը, տ. Գևորգ վրդ. Սերայդարյանը, տ. Վարդան արեղա Դիլանյանը, տ. Մասիս արեղա Գալստյանը, «Էջմիածին» ամսագրի խմբագիր Արթուր Հատիտյանը և Մայր Աթոռի միջեկեղեցական հարաբերությունների բաժնի քարտուղար Պարզև Ծախրազյանը:

Տ. Բարգեն արքեպ. Ապատյանը, Մայր տաճարում իր աղոթքն ու ուխտը կատարելուց հետո, ներկայանում է Վեհափառ Հայրապետին:

..

Մարտի 14-ին, երեքշաբթի.—Այսօր, առավոտյան ժամը 12-ին, Վեհափառ Հայրապետը Վեհարանում քարեհանում է ընդունել այցելությունը Արարատյան թեմի թեմական, եկեղեցական խորհուրդների, Վերստուգիչ հանձնաժողովի անդամների և Երևանում քահանայազործող ավելի քան քսան քահանա հայրերի:

Վեհարանում սույն հանդիպմանը ներկա են լինում նաև տ. Կոմիտաս և տ. Հուսիկ եպիսկոպոսները:

րակացու և նախաշաղիղ» (Խորենացի) բնա-
րանով:

• •

Նույն օրը, առափոյան ժամը 12-ին, Վեհափառ Հայրապետին այցելություն է տալիս Իրաքի համայն եզդիների կրոնապետ Միհր Բազետինը, որը հյուրաբար գտնվում էր Հայաստանում՝ որպես հյուրը եզդիների համայնքի:

Միհր Բազետինին ողջեցում էր Երևանի ռադիոյի եզդիներին տրված հաղորդումների բաժնի աշխատակից Մուրազ Խուրդյանը:

Հայոց Հայրապետի և Միհր Բազետինի միջև տեղի է ունենում ջերմ գրույց՝ սրտագին մթնոլորտում:

• •

Մարտի 19-ին, կիրակի.—Քառասնորդական պահոց (Գալստեան).

Մայր տաճարում ս. պատարագ է մատուցում տ. Հովհաննես քհն. Մարտյանը, իսկ քարոզում է նորընծա տ. Եղիշե քհն. Բաղրամյանը՝ «Դու ես վեմն և ի վերայ այդր վիմին շինեցից գեկեղեցի իմ» (Մատթ. ԺԶ 48) բնաբանով:

Ս. պատարագին ներկա էր Վեհափառ Հայրապետը:

• •

Նույն օրը, ս. պատարագին ներկա գրտնրվելուց հետո, Հայոց Հայրապետին են այցելում ՍՍՀՄ ժողովրդական արտիստ Եվգենի Վախտանգովի անվան թատրոնին առընթեր Եչուկինի անվան թատերական ինստիտուտի ռեկտոր, պրոֆ. Զախավա Բորիս Եվգենովիչը իր տիկնոջ՝ Զախավա Նատալյա Իվանովնայի հետ:

Հարգելի հյուրերին ողջեցում էին դերասան Լորենց Առուշանյանը և բեմադրիչ Հրաչյա Աշոտյանը:

Հայոց Հայրապետի և արվեստագետների միջև տեղի է ունենում ջերմ գրույց՝ հայ և ռուս դասական թատրոնի մի շարք հարցերի շուրջ:

• •

Մարտի 22-ին, չորեքշաբթի.—Այսօր, առափոյան ժամը 12-ին, Վեհափառ Հայրապետը բարեհաճում է ընդունել այցելությունը լիբանանահայ «Մասիս» մարզական միության մի խումբ մարզիկների, որոնց թվում՝ Զավեն Դեմիրճյանի և Կարպիս Բերբերյանի:

Մարտի 23-ին, հինգշաբթի.—Այսօր, ժամը 13-ին, Հայոց Հայրապետին են այցելում հյուրաբար Հայաստանում գտնվող՝ Մոսկվայում Հնդկաստանի հանրապետության արտակարգ և լիազոր դեսպան Քվիշնատա Շիվատա Շելվանքարին իր տիկնոջ հետ, և պաշտոնական այլ անձինք:

Հարգելի հյուրերը, այցելելուց հետո Մայր տաճար ու եկեղեցական թանգարան, Վեհաբանում գրույց են ունենում Հայոց Հայրապետի հետ ջերմ մթնոլորտում:

• •

Մարտի 26-ին, կիրակի.—Ծաղկազարդ.

Օրվա մեծ տոնի առիթով Մայր տաճարում հանդիսավոր ս. պատարագ է մատուցում տ. Բարգեն արքեպ. Ապատյանը և «Հայր մեր»-ից առաջ քարոզում Ծաղկազարդի տոնի հոգևոր-եկեղեցական ու հայրենասիրական մեծ նշանակության մասին՝ «Եւ դրդեցաւ քաղաքն ամենայն» (Մատթ. ԻԱ 10) բնաբանով:

Ս. պատարագին ներկա էր Վեհափառ Հայրապետը:

Հաջորդ ս. պատարագի Վեհափառ Հայրապետը ընդունում է այցելությունը անվանի երգահան Արամ Խաչատրյանի, որին ընկերակցում էին միջազգային մրցույթի դափնեկիրներ Կարինե Գեորգյանը ու Նիկոլայ Պետրովը, որոնք ներկա էին եղել Մայր տաճարում ս. պատարագի արարողությանը:

Հայոց Հայրապետի և մեծանուն հայ երգահան Արամ Խաչատրյանի ու մյուս հարգելի հյուրերի միջև տեղի է ունենում ջերմ գրույց՝ սրտագին մթնոլորտում, հայ և ռուս դասական և արդի երաժշտության վերաբերյալ մի շարք հետաքրքիր հարցերի շուրջ:

• •

Նույն օրը, երեկոյան ժամը 17-ին, Մայր տաճարում կատարվում է «Դոնքացէք»-ի ավանդական կարգը՝ Վեհափառ Հայրապետի հանդիսադրությամբ:

• •

Մարտի 27-ին, երկուշաբթի.—Այսօր, երեկոյան ժամը 19-ին, Վեհաբանում, Վեհափառ Հայրապետի բարձր նախագահությամբ, գումարվում է Գերագույն հոգևոր խորհրդի հերթական նիստը, որին մասնակցում է նաև տ. Բարգեն արքեպ. Ապատյանը:

Մարտի 28-ին, երեքշաբթի.—Այսօր, Վեհափառ Հայրապետից և Մայր Աթոռից հրաժեշտ առնելով, Բեյրութի վրայով իր պաշտոնատեղին՝ Արզենտինա է մեկնում տ. Բաբգեն արքեպ. Ապատյանը:

Հանում Հայոց Հայրապետի Երևանի օղանավակայանում տ. Բաբգեն արքեպիսկոպոսին ճանապարհում են տ. Հուսիկ եպս. Սանթրոյանը, տ. Գևորգ վրդ. Սերայարյանը և տ. Մասիս արդ. Գալստյանը:

Ժամը 18-ին ավանդական հանդիսությամբ կատարվում է Մայր տաճարում «Կարգ Ուղեկցության», վրահայոց թեմի առաջնորդ տ. Կոմիտաս եպիսկոպոսի հանդիսադրությամբ:

«Ի գիշերի հսկումն է»:

Հայոց Հայրապետի նախագահությամբ ժամը 19-ին Մայր տաճարում կատարվում է Հսկումի արարողությունը:

«Փառք ի բարձունս»-ից առաջ քարոզում է Վեհափառ Հայրապետը՝ օրվա խորհրդի փրկագործական, քարոջական ու հոգևոր մեծ նշանակության մասին:

Մարտի 30-ին, հինգշաբթի.—Առաջ հինգշաբթի. Յիշատակ ընթերցեաց Տեառն մերոյ Յիսուսի Քրիստոսի.

Այսօր հոգևոր ճեմարանը փակվում է գատկական տոների առիթով:

Օրվա տոնի առիթով հանդիսավոր և պատարագ է մատուցում Մայր տաճարում տ. Վարդան արդ. Դիվանյանը:

Հավարտ և պատարագի հոգևոր ճեմարանի ողջ ուսանողությունը և հաղորդություն է ստանում:

Մարտի 31-ին, ուրբաթ.—Յիշատակ չարչարանաց և խաչելութեան Տեառն մերոյ Յիսուսի Քրիստոսի.

Երեկոյան, Վեհափառ Հայրապետի հանդիսադրությամբ, կատարվում է Թաղման ավանդական կարգը՝ Մայր տաճարի շուրջ եռադարձ թափորով, ողջ միաբանության և ճեմարանի ուսանողության մասնակցությամբ, խոտմերամ հավատացյալների ներկայությամբ:

